

**«ДҮНИЕ» АҚТӨБЕ ӘЛЕУМЕТТІК-ТЕХНИКАЛЫҚ ИНСТИТУТЫНЫҢ
ПРЕЗИДЕНТІ
Ж.Т. БҮТІНШИНОВТИҢ**

ҚҰТТЫҚТАУ СӨЗІ

Құрметті конференция қатысушылары және қонақтар!

Бүгін «Дүние» Ақтөбе әлеуметтік-техникалық институтының базасында Қазақстан Республикасы Тәуелсіздігінің 20 жылдығына және 5 желтоқсан «Ғылым» күніне орайластырылған ғылыми-практикалық конференция өтпекші, осы айтулы шараға институтымызға білім беру, ғылым саласында көптеген жылдар бойы еңбек етіп жүрген педагогтар, ғалымдар, жас мамандар жиналып отыр.

Біз осы конференцияда жоғары мектептің ақпараттық қоғам жағдайында жанаша келбетте қалыптасып келе жатқан өзекті мәселелерін талқылау үшін жиналып отырмыз. Себебі, экономиканың жаһандасуы, әлемдегі күрделі саяси үрдістер, әлеуметтік-мәдени трансформациялар – ХХІ ғасырдың басты өзгерістері болып табылады. Қазірдің өзінде мемлекетімізді дамыту үшін, ең алдымен, білім беру саласын қарқынды дамыту керектігі айқын байқалуда. Ғылым, білім, жана технологиялар дәуірін білім беру саласын жана сапаға көтермей елестету мүмкін емес. Сәйкесінше, қоғамда орын алып жатқан жаһандық өзгерістер жастарға білім беру, оларды елінсүйгіш азамат етіп тәрбиелеу мәселелерін қайта қарауды, оларды жанаша бағытта дамытуды қажет етеді. Сондықтан бүгінде білім беру саласына қатысты барлық әлеуметтік институттар осы мәселелерді бірлесе шешуге жұмылуы керек деп есептейміз. Сәйкесінше, білім беру саласын дамыту, адами капиталды жетілдіре түсу мемлекеттік саясаттың басым бағыттарының біріне айналып келеді.

«Дүние» әлеуметтік-техникалық институты да әр саланың мамандарын даярлайтын білім ордасы болғандықтан, институт қабырғасында жұмыс істейтін оқытушылардың, ғалымдардың қоғамдағы жаңалықтардан, ақпараттардан үнемі хабардар болуы, оларды ортақ талқыға салып, тиімді шешімге келуі, өзара тәжірибе алмасуы, өзіндік ұсыныстар беруде белсенді болуы маңызды мәселелер қатарында қала бермек. Олай болса, ғаламдасу ғасырында жанаша формациядағы бәсекеге қабілетті және Қазақстанды әлемдік қоғамдастықта жоғары деңгейде таныта алатын тұлға қалыптастыру мәселесі бүгінгі Тәуелсіздіктің 20 жылдығы мерекесіне арналған конференцияның негізгі өзегін құрауы керек.

Қорыта келе, конференция жұмысы алға қойған мақсаттарына жетіп, жоғары мектеп саласын дамытуға, білім беру саласындағы түйіндерді, әлеуметтік мәселелерді шешуге өзіндік үлес қосатын мазмұнды болсын деген тілек білдіремін. Конференция қатысушыларына жұмыстарыңыз сәтті болсын деймін!